


Ibuku rĩa Ngai kũrĩ ciana
nĩrĩrakũrehera

Joshua
Gũtoongoria



Rwandĩkĩtwo nĩ: Edward Hughes

Rũthathaũrĩtwo nĩ: Janie Forest
Alastair Paterson

Rũharĩrĩirio nĩ: Ruth Klassen

Rũtaũrĩtwo nĩ: Stephen Kimani


Rũtungĩtwo nĩ: Bible for Children
www.M1914.org

©2023 Bible for Children, Inc.


Rũtha: Nĩwĩtĩkĩrĩtio kuruta kana gucabithia rũgano rũrũ,
angĩkorwo ti rwa kwendia.



Musa nĩ akuĩte. Joshua
nĩoĩ atĩ Ngai nĩ amũthurĩite
atongorie Aisiraeli. Joshua
atanaharĩria mbũtũ yaake,
nonginya angĩeharĩirie. Ngai
nĩerĩire Joshua ũhotani na
gũtheerema bũrũriinĩ wa
kĩiranĩro andũ metĩkira
gwathĩkĩra kiugo
kĩa Ngai hĩndĩ
ciothe.



Aisiraeli nĩmatwĩite kũrũmĩrĩra Joshua
hĩndĩ ciothe na gwathĩkagĩra
kiugo kĩa Ngai.



Na njĩra ya ũũgĩ,
mũtongoria ũyũ
mwerũ agĩtũma
athigaani mathĩĩ
Kanaani gũthooma
ũgitĩri wa itũũra
inene rĩa Jeriko.
Mbaara ya Isiraeli
ya mbere yaarĩ
ĩrũĩrwo kũu.






Nĩharĩ mũndũ weerire mũthamaki wa Jeriko aĩ nĩkwarĩ na athigaani mookĩte. Agĩtũma thigari ciake ikamenye ũhoro ũcio. Ũthuthuria ũkĩambĩrĩria nyũmbainĩ ya Rahabu, kũrĩa athuuri acio maikaraga. Thigari icio ikĩringaringa mũrango na hinya. Naihenya Rahabu akĩhitha andũ acio rungu rwa ũguta.




Rĩrĩa thigari ciathiire,
Rahabu akĩhũthĩra
rũrigi rũtuune
gũikũrũkia athuuri
acio kuuma rũthingoinĩ
rwa itũũra. Ateithirie
athigaani acio nĩkĩ?
Nĩũndũ nĩamenyaga atĩ
Ngai aarĩ hamwe nao.
Eendaga Ngai
ahonokie muoyo wake.
Athigaani makĩheana
kĩĩranĩro atĩ
nĩmakahonokia Rahabu
na bamĩri yaake.




Matanakinya Jeriko, Aisiraeli no mũhaka
mangĩaringire rūũĩ rwa Kanaani, nĩguo maingĩre
bũrũri wa Kĩĩranĩro. No gũtiarĩ na ndaraca!
Andũ mangĩakĩrĩre atĩa?



Ngai akĩira Joshua atĩ athĩnjĩri Ngai maarĩ
matongorie thigari na andũ, makuĩite ithandũkũ
rĩrĩa rĩarĩ na Maathani ikũmi. Rĩrĩa magũrũ ma
athĩnjĩri mahutirie rūũĩ, Ngai akĩringa kĩama.
Ngai agĩthondeka njĩra nyũmũ maaĩinĩ.




Thuutha wa andũ othe
gũkĩra wega, magĩĩkĩra
mahiga ikũmi na meerĩ
manene rũũĩĩnĩ na mangĩ
ikũmi na meerĩ mwenainĩ
wa rũũĩ rwa Kanaani.
Gĩĩkĩ kĩarĩ kĩririkano gĩa
gũteithia andũ kũruta
ciana ciao ũhoro wa hinya
na wendo wa Ngai.





Jeriko yaarĩ na
thingo cia hinya na
nene. Rĩrĩa
Joshua abangaga
gũtharĩkĩra, Ngai
agĩtũma mũnene
wa mbũtũ yake ya
matuinĩ kũririkania
mũtongoria mwerũ
wa Isiraeli atĩ nĩ
Ngai ũhotanagĩra
andũ aake mbaara.






Ngai akĩira Joshua ũrĩa agũtharĩkĩra Jeriko.
Waarĩ mũbango wa mwanya biũ. Andũ a Ngai
maarĩ mathiũrũrũke itũũra riita rimwe harĩ
thikũ ithathatũ, na maita mũgwanja mũthenya
wa mũgwanja. Macoke mahuuhe tũrumbeta na
maanĩrĩre, na thingo no kũgũa ingiagũire thĩ!





Joshua na mbūtũ ciake meekire o ũrĩa Ngai
aathanĩite. Nogũkorwo andũ a Jeriko
nĩmamathekereire. No thuutha wa
gũthiũrũrũka rĩita rĩa mũgwanja
mũthenya wa mũgwanja mũthĩnjĩri



akĩhuuha rũhĩa rwa
ndũrũme. Na o ta ũrĩa
Ngai eeraĩire ...


**THINGO NENE CIA JERIKO
IKĪHARAGANA!**





No nyũmba ya Rahabu ãrĩa yaarĩ
rũthingoinĩ yatigarire. Atigĩite
rũrigi rũtuune ndiricainĩ. Naihenya,
andũ a Joshua makĩhonokia
Rahabu hamwe na bamĩrĩ
yaake. Jeriko ãkĩniinwo,
o ta ũrĩa Ngai aathanĩite.





Na njira ya mahooya,
Joshua akiamura thahabu,
betha, na utonga wa Jeriko
kuri utungata wa Ngai. Agicooka akiruma
mundu wote uria ungiakire itura riu ruru
ringi. Kahinda kaniini andu othe a Kanaani
makigua uria Joshua ahootete Jeriko.
Makimenya ati Ngai aari na andu aake.



Joshua Gũtoongoria


Rũgano kuma Kiugoinĩ kĩa Ngai,
kĩrĩa kĩ Ibukuinĩ rĩa Ngai,

rũrĩ thĩinĩ wa

Joshua 1-6

"Ciugo Ciaku ciatarĩrio nĩrehaga ũtheri."
Thaburi 119:130






Mãico



13



60



Rũgano rŭrũ, rŭrĩa rumĩte Ibukuinĩ rĩa Ngai,
rŭratũmenyithia igŭrũ rĩa Ngai witũ wa magegania,
arĩwe ũrĩa watũmbire na ningĩ akenda ũmũmenye.

Ngai nĩoĩ atĩ nĩtwĩkĩte maũndũ moru, marĩa etaga mehia.
Mũcara wa mehia nĩ gĩkuũ, no Ngai nĩakwendete mũno makĩria
nginya agĩtũma Mŭrũ wake wa mũmwe, Jesũ, nĩguo oragwo
mũtharabainĩ na aherithio nĩtondũ wa mehia maku. Nĩacokire
akĩriũka na akĩinũka mũciĩ igŭrũ kwa Ngai! Ũngĩtĩkia Jesũ na ũmũrie
akuohere mehia maku, nĩegwĩka ũguo! Nĩegũka na atũre thĩinĩ
waku kuma rĩu, na ningĩ ũgatũrania nake tene na tene.

Ũngĩtĩkia atĩ ũhoro ũyũ nĩ wa ma, ĩra Ngai ũũ:
Mwendwa Jesũ, nĩndetĩkia atĩ wĩ Ngai, na nĩwatuĩkire
mũndũ nĩguo ũkue nĩtondũ wa mehia makwa, na rĩu wĩ muoyo.
Nĩndakũhoya ũũke mũtũrĩreinĩ wakwa na ũnjohere mehia makwa,
nĩguo kuma rĩu, ngĩe na muoyo mwerũ, na mũthenya ũmwe ngoka
ndũranie nawe tene na tene. Ndeithia gũgwathĩkagĩra na
gũgũtũrĩra ta mwana waku. Nĩgũtuĩke ũguo.

Thoma Ibuku rĩa Ngai na waranagĩrie nake o
mũthenya o mũthenya! Johana 3:16

